

Оттуду к острову, Порни²⁹ нарицаемому, устремишяся. Два на той пучине бяху острови величаиши и пространнейши, их же другии Силоли³⁰ именован бысть, его же царь 600 сынов имяше. Но убо Порни больше есть Сылоли, его же едва на шесть месяць объехати мощно есть, Порни же в трех месяцех, глаголаше. Но яко Силоли величаиши, сице Порни земным благоплодием тучнейши и града величеством светлейши есть. От него же и прочая благы нравы и честно ражанство приимати показовахуся. Суть убо вси островляне сии кафре, сиречь язычници, и солнце и луну богом быти нещуют и солнцю убо дневную въсписуют державу, луне же нощную, оно убо мужа, луну же жену мудрствуют и прочим звездам родителей тех именуют, их же и богов своих, обаче меньших, быти мнят; солнце въсходящее пении некими целуют, паче нежели поклонятся, а луну в нощи снающе; от них же себе убо чяда, скотом же рождение благоплодно, земли же тучна плодоношения и некаа ина сицева просят. Кротость же и правду почитают, изрядне же мир и безмолвие обლობызуют, брани зело ненавидят, своего царя, велми почитающа мир, зряще, яко же бога почитают; л. 27 аще же браней любителя уразумеют, не молчат, до||инде узрят его руками супостат в брани убита; иже иде же аще бранию поити разсудил, еже редко бывает, первыи от своих в ополчении уставляется, иде же все супостатное устремление подъяти понужается, ниже яростно на супостаты движаются, преже нежели егда услышат убиена бывша царя своего; тогда бо первее о свободе своеи и о хотящем в них царствовати подвизатися начинают, не явися когда у них царь бою виновен, иже не убьен бысть в бои; ея же ради вины редко брань съставляют, пределы тицатися простирали неправедно нещуют. Всем же изрядно есть начинание, еже окрестным языком и приезжающим странником ни едину обиду подъяти; аще же когда сами обидими будут, равными обидивших воздаруют и даже не на множае зло възрастет, абие в единомыслие стекошяся тишиною и глубоким миром наслаждатися; никако же у них разбоиничество, ниже чело- векоубийства. Храминны имеют худы, от дров и берния състоани. В граде Порни³¹ острова 20 000 дворов быти, поведошя. Хлеб у них от ориза⁶ съставляется, питье же у них, яже от изрезаемых финических ветв истачаема мокрота. Оттуду нашли к Молукитцким островам потцашяся, их же князь острова Порни показа им.

Доидошя на брег Солуский,³² иде же бисери равни величеством яциу горлицину, есть же негде и курицину уразумешя. Таковии же бисери в глубочайшей токмо пучине собираются. Уловиша обаче, глаголаху, в оной пучине рака, его же плоть потянут 40 и 7 литр, яко поведашя им острова Порни жители своего царя носити на главе в венци два бисера, яциу утицю равни величеством. Оттуду в остров, Вигилон³³ нарицаемый, доплуша, иде же видеша человеци, толь велиа и висяща ушы имеючи, яко и плещама коснутися о них же, нашим дивящимся. Поведаша им ту живущии, || недалече отстояти иному острову, в нем же быти чело- веком не токмо висяща, но толь широки и велики ушы носящим, яко вънегда стужатися им от зноя солнечного единым ухом всю главу при- крыватьи.

И оттуду наши к Молукитцким прямо устремишяся, иже и обретошя острови суть числом пять, Таранти, Мутила, Федора, Мара и Матфиана³⁴ нарицаемии, где убо внутрь, где же далее, где же и под самым полудневным лежаще поясом, ов убо носит карюфила, рекше гвоздики, ов же орех мушхат, ин же корицу; суть же близ друг друга, обаче мали и велми уски. Их же начялствующей не пред многими леты начяша верити бес-

⁶ В ркп на поле имеется примечание к слову ориза: ориза — сорочинское пшено.